

**Epigrammata regionum medicinae professorum, Cantabrigiensis atque Oxoniensis ... / In Radulphi Wintertoni metaphrasin nuper editam. Quibus accedunt epigrammata therapeutics ejusdem, ad malevorum letorum aegritidinis.**

**Contributors**

Winterton, Ralph, 1600-1636

**Publication/Creation**

Cantabrigiae : Excudebant Thomas Buck & Rogerus Daniel, MDCXXXIII [1633]

**Persistent URL**

<https://wellcomecollection.org/works/wkbhaxup>


**License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>

















Al. A. X. O. 1

~~Co, 1<sup>o</sup>~~

3223<sup>(2)</sup>

A

3 L, 3<sup>o</sup>

J. F. Payne

from the Drake library, sold at  
Sotheby's, march 1883


ST.C. 13518

~~63. D. 42. la 10. 297. 44~~  
In interpretandis praxeos libris,  
ea videtur necessaria cognitio, quam  
longus usus & exercitatio patiens  
afferunt. Hujus rei fidem faciunt  
tres nobilissimi interpretes; ex  
antiquis Duretus & Martianus;  
ex recentioribus vero vir celeberrimus,  
& uncequaque eruditissimus  
Lucas Tozzius Summi Pontificis  
hodie Archiater; quorum singuli  
antequam Hippocratis opera  
commentariis illustrare decre-  
vissent, potiore parte vite  
in exercenda praxi impenderunt.  
Hippocratis namque libri cum nil  
aliud sint, quam praxeos  
succus, interpretatio quoque illis  
accommodata, & opportuna, non  
aliunde certius peti debebat, quam  
ab ipsa praxeos exercitatione.

pag. 12/11

*[Faint, illegible handwritten text, likely bleed-through from the reverse side of the page.]*

-5-8



Decorative border with repeating floral/geometric motifs and some faint text fragments.

Gau  
C

E

(2)

EPIGRAMMATA  
Regiorum Medicinæ  
Professorum,  
*Cantabrigiæ atque Oxoniensis,*

*Præsidentis  
Et Sociorum Collegii celeberrimi  
Medicorum Londinensium,*

*Aliorumque Doctorum juxta atque  
doctissimorum virorum  
utriusque Academiæ.*

IN RADULPHI WINTERTONI  
*Metaphrasin nuper editam.*

CLAUDIAN.

Gaudet enim virtus testes sibi jungere Musas:  
Carmen amat, quisquis carmine digna gerit.

Quibus accedunt  
EPIGRAMMATA  
Therapeutica ejusdem,  
Ad malevolorum lecto-  
rum ægrotudines.

CANTABRIGIÆ  
Excudebant THOMAS BUCK &  
ROGERUS DANIEL.  
MDCXXXIII.

EPIGRAMMATA

Regiorum Medicinæ

Professorum

Cantabrigiæ adque Oxoniæ

Præsentis

et Societatis Collegii Cantabrigiæ

Medicorum Londinensium

Alimentum P. Groun Jun. & aliorum

hæreticorum vitiorum

utramq. abiecit.

In RADULPHI WINTERBONI

Metaphrasæ super eam.

CLAUDIAN

Gaudet enim vitæ iustos sibi iungere Mors;

Carminibus autem, quibus carmine dignus error.

Quibus accedunt

EPIGRAMMATA

Therapeutica ejusdem

Ad malevolorum læsionem


et iniquitates.

CANTABRIGIÆ

Excusabitur J. THOMAS BUCHER

ROGERUS DANIEL

MDCXXXIII



A D

RADULPHUM WINTERTONUM,  
*Collegii Regalis Cantabrigiensis*  
*Socium, Medicinæ Licentiatum.*

**N**on Toga, Pileolusve, nec Oscula, Dacty-  
 lusve,  
 Verè Doctorem néve Cathedra facit:  
 Doctoris quamvis hæc sint insignia facti.  
 His sine, Doctorem te facit iste Liber.

*In Hippocratis Aphorismos.*

Audiit à Græcis, urbs, Hellados Hellas, Athenæ:  
 Audiit Hippocrates, hic liber, Hippocratis.

JOANNES COLLINS, Cantabrigiensis,  
*Collegii Divi Joannis quondam Socius,*  
*Medicinæ Doctor, & Professor Regius.*

*Ad eundem.*

**T**E Medicum, Doctum, Græcūque, hæc versio  
 monstrat:

Hippocratem callens, hæc tria certus habes.

Et, tantas dum fundis opes, Benefactor haberis,

Hippocratem illustrans: Publicus ille Pater.



Tu meritò Phœbi dicaris filius almi,  
Phœbi artem medicam qui sapis atque lyram.

THOMAS CLAYTON, Oxoniensis,  
Coll. Pembr. Magister, Medicinæ  
Doctor, & Professor Regius.

**A**Rdua succinctè pandis \* *Théoremata*, metris:  
Laudibus Hippocratis laus tua juncta manet.  
\* *Synecphonesis.*

JOANNES ARGENT, Cantabrigiensis, Pe-  
trens, Medicinæ Doctor, & Coll.  
Med. Lond. Præsicens.

**A**Ut prodesse volunt, aut delectare, Poëta:  
Et juvat & prodest docta Camœna tua.  
Sic tua metra sonant, numeris sic perficis Artem,  
Ut, quæ longa fuit, sit brevis arte tua.

MATTHÆUS LISTER, Oxoniensis,  
Regiarum Majestatum Medicus  
Ordinarius, Medicinæ Doctor,  
& Coll. Med. Lond. Socius.

**Ο**Υς τέχνην μέγας ὦν, καὶ ἀμύμων πάντ', ἄφο-  
ρισμὸς  
Ἰπποκράτης πέζῳ πεφωτον ἔγραφε λόγῳ  
Ἵουιντεπῶνε, βραχέως μέτροισιν αἰεῖεις,  
Προσκήσας Μεσῶν Πιερίηδων ἐπι-

Ἔργον.

In Wintertoni Metaphrasin. 3

Ἔργον μνημοσύνη χαίειν, καὶ χρῆσθ' ἰν' ἑοῖς  
Τένεκα εὐδοκίμος καὶ πολὺ αὐτῷ ἔση.

PHILEMON HOLLAND, *Cantabrig. Coll.*  
*Trin. quondam Socius, Medicinæ Doctor.*

---

**W**intertone, datas epulas gustamus. At audi;  
Parcus es: haud satis est mensula; pone  
novas.

Altera pars mundi *prosam* cupit, altera *versum*:  
Hic quod utramque aurem mulceat autor habet.

EDVARDUS LAPWORTH, *Oxon.*  
*è Coll. Magd. Medicinæ Doctor.*

---

**E**st brevis Hippocrates: Breviorem carmine reddis,  
Perspicuumque simul. *Laurea* jure tua est.

GUILIELMUS CLEMENT, *Cantabr.*  
*è Coll. Trin. Medicinæ Doctor, &*  
*Coll. Med. Lond. Socius.*

---

*Ad R.W. Censura operis.*

**N**ec tibi quòd Grati, nec quòd sis carminis hujus  
Autor, (& ambiguum est laude hac sis major  
an illa)

Sit tanti, ut non sit plaris servâsse *Magistro*  
Incolumes sensus; & quanquam lege solutum

Non tentâsse vias, aliôve in tramite currus  
Deflexisse tuos, quàm quâ vetus orbita ducit.

Hâcque fide, & cura hac, hac relligione juvandi,  
*Wintertone*, places; meritis vel iudice *Co*  
Hoc soli licuisse tibi, Præcepta medendi  
In numeros aptâsse, & ad artis signa severæ  
Difficiles Musas, raptumque *Helicon* vocâsse.

Ergò pari posthac studio tua scripta legentur:  
Nec quæret quo dante sitim sedavit eodem  
Fonte bibens, & cui res, non persona, probatur.

Hactenus ornatu exiguo, tantumque virili,  
Despexit *Medicina* chorum, responsaque vatis  
*Prosa* dedit, nulloque incessit *Litera* fastu:  
Et tamen hos olim mirata est *Græcia* cultus.

Nunc dulces moduli, lentoque in dogmate lusus,  
Et lepor, & volucris salientes pectine chordæ  
Restituent lassum, aut pleno fastidia solvent  
Lectori; atque humiles attollet tibia cantus.

Interea dum non sublato pondere rerum  
Verba novas, vatemque alio deducis amictu,  
Nec tumet aggestis, nec hiat sententia demptis  
Luminibus. FRUERE hac qua vincis laude, Tulisti  
Hoc pretium curæ, tua scripta ut vindicet omnis  
Posteritas; cui siquid certum spondeat unus,  
GRATA erit ab quacunque venit facundia lima.

SIMON FOX, *Cantabrigiensis, Coll.*

*Regal. quondam Socius, Medicinæ  
Doctor, & Coll. Med. Lond. Socius.*

*Ad eundem.*

**V**ersibus Hippocratem? Phœbum bene jungis  
Præonias artes Aoniâsq; colens. (utrumque,

*In Wintertoni Metaphrasin.* 5

Hippocratem exponis versu longoque brevique:  
Scilicet *Ars longa est, Vita sed ipsa brevis.*

De patria litem doctè componis Homeri:  
Falluntur reliqui; *Coüs*, Homerus erat.

RICHARDUS ANDREWES, Oxon.  
*Joannensis, Medicinæ Doctor, &*  
*Coll. Med. Lond. Socius.*

---

**W**intertone, Tuos laudoque proboque labores:  
Si, *Mome*, invidias, Invidia pereas.

JOANNES FURTHO, Cantabr. Coll.  
*Trin. quondam Socius, Med.*  
*Doctor Anno 1606.*

---

**M**acte, inter Medicos sis *Wintertone*; parando  
Cortinam Phœbo, plenus es ipse Deo.

JOANNES BAINBRIDGE, Oxon. *Mertonensis,*  
*Med. Doctor, & Astronom. Professor.*

---

Ἰπποκράτης ἐξ Ἰπποκράτους, σφὸς διοει ὄρνις  
Ἐκ τέφρας Βίον οἱ Φοῖβος ἔδωκε πατήρ  
Ἰπποκράτει νεκρῶ ἢ βίον σύ, ἰντεῶς ἰντεῶ.  
Ὁ πρῶτος ἢ νέπας νῦν πόδας ἀλλετ' ἔχων.

THOMAS CAUDREY, Cantabr. è Coll.  
*Christ. Medicinæ Doctor 1611.*

6 EPIGRAMMATA

Quem nil majestas artis, nihil allicit ordo,  
 Quis legat Hippocrateni; quem nil prudentia, rerum  
 Pondus, consilium, morbum mortemque retardans  
 Nil *Medicina* movet, Tua Græca poemata saltem  
*Wintertone*, trahant. Cum carmine nausea rara est:  
*Utilis* Hippocrates, sed non sine carmine *Dulcis*:  
 Posthac *Hippocratis* qui volvit *opuscula*, dicat  
*Wintertoni* opera hæc, quod miscuit *Utile Dulci*.  
 Hippocratis nomen, manes, cinis, urna, libelli,  
 Et medici voce una agimus pro carmine grates.

---

EDMUNDUS WILSON, *Cantabr. Coll.*  
*Regal. quondam Socius, Med. Doctor*  
 1613. & *Coll. Med. Lond. Socius.*

---

**Æ** sopum Sapiens divino carmine Musis,  
 Hippocratem jungis tu numerisque tuis.  
 Phryx erat ut numeris clarus, sic carmine major:  
 Major erit numeris Hippocratésque tuis.

OTTUELLUS MEVERELL, *Cantabr.*  
 è *Coll. Christ. Medicinæ Doctor* 1616.  
 & *Coll. Med. Lond. Socius.*

---

**A**rs longa est; fecere brevem tua carmina: Vita  
 Sed brevis est; Longam reddet Apollo tuus.

THOMAS CADEMAN, *Cantabr.*  
 è *Coll. Trin. Medic. Doctor*, &  
*Reginæ Med. Particularis.*

Hippocra-

*In Wintertoni Metaphrasin.* 7

**H**ippocrates olim Medicus, nunc jure Poëta est:  
Nam *Metrico & Medico* est unus Apollo pater,  
*Ars Metrica Ars Medica* est: Præstat nos utraq; sanos;  
*Corporis hæc, Animi* sed medicina Metrum:  
Dumque alii *Hippocratis* veteri sanantur ab Arte,  
Ipse fit Arte nova sanior Hippocrates.

RICHARDUS SPICER, Oxon. Med.  
Doctör, & Coll. Med. Lond. Socius.

---

**D**elius indulget vati, Calamumque labantem (næ,  
Sustinet Hippocratis genius, plauduntq; Camæ-  
Jam coi si fortè lenis quis dicta recenset,  
*sic canit Hippocrates*, dicet; referentque nepotes.

FRANCISCUS PRUJEAN, Cantabr.  
Caii-Guvv. Med. Doctör 1625. &  
Coll. Med. Lond. Socius.

---

**S**uavia dum reddis Medici\* Theoremata magni,  
Dum versu renovas tempora prisca senis;  
Nec nova, nec diversa doces præcepta medendi:  
Aut *idem*, aut verè es *filius* Hippocratis.

\* *Synecphonesis.*

DANIEL OXENBRIDGE, Oxon. ex Æd.  
Chr. Med. Doctör & Coll. Med. Lond. Socius.

---

**Q**uas grates, Radulphe, tibi culta Anglia solvet,  
Per te quòd spiret maximus Hippocrates!  
Edictis veterum lucem attulit ille: Sed illi  
Et decus & vitam reddis ab ingenio.

Ionie

8 EPIGRAMMATA

Ionio contenta sono scita illa jacebant:  
Illis concinnos reddis ab arte pedes;  
Aures ut feriant Graio transmissa lepore  
Gratius, & subeant promptius illa animum.  
Grata igitur recolent tua carmina mente nepotes,  
Arti qui præbes lumen Apollineæ.

ALEXANDER REID, Oxon. Mertonensis,  
Med. Doctor, & Coll. Med. Lond. Socius.

---

Omne tulit punctum, qui miscuit Utile Duci:  
Primitus Hippocrates Utile Coüs habet.  
Wintertone, tibi debemus Dulce: Sed ultra  
Quod docet Hippocrates Utile Coüs habes.

SAMUEL RAND, Cantabr. è Coll. Christ.  
Med. Doctor, & Coll. Med. Lond. Socius.

---

Stringitur Hippocrate Hippocrates: Et Apollinis  
Vita tibi trahitur longa, fit Arsq; brevis. (arte

JOANNES SPEED, Oxon.  
Joannensis, Med. Doctor.

---

Qui salebrofa prius Musis & Apolline dextro  
Dicta senis faciles compulit in numeros,  
Se Medicum & Vatem præstat. Cur ergò negata  
Coccina sint humeris, laurea temporibus?

RICHARDUS HAWLEY, Oxon. Merton.  
Med. Doctor, & Coll. Med. Lond. Socius.

Musica

*In Wintertoni Metaphrasin.* 9

**M**usica qui Medicis misces, simul Utile Dulci.  
Juncta juvant: Cithara curat Apollo canens.  
Instar apis mel flore tuo tu quærere perge:  
Carmina Musa canens mellea, dulce sonat.  
Macte, & mellifluos Medicinæ fundito rivos;  
Potent & Medici: Fons patet Hippocratis.

EDWARDUS ALSTON, Cantabr. Joann.  
Med. Doctor 1626, & Coll. Med. Lond. Socius.

---

**A**rte senex medica Princeps, nullique secundus,  
Nullo delendum tempore scripsit opus.  
Ille artem longam fecit sermone soluto:  
Artem tu longam corripis arte tua.

ROBERTUS FRESTON, Cantabr.  
è Coll. Emman. Med. Doctor 1628.

---

**A**usus es immensum facinus, Vincire solutis  
Quæ dedit Hippocrates non temeranda libris:  
Jamque ope, Wintertone, tuâ tenebrosa loquutus  
Naturæ vates, non sine luce canit.

JOANNES NICOLS, Cantabr. è Coll.  
Corp. Christ. Med. Doctor 1630.

---

**C**lli non metra placent Medicorum, egratet &  
idem;  
Et lacrymet, cui non Musica metra placent.

TIMOTH. THOROLD, Cantabr.  
Reginal. Medicinæ Doctor 1630.

Ad



## Ad R. W. Παρηγερόν.

O Carminum miram vim! Erigere qui in *pedes*  
Senes est solitus, jam senior *Hippocrates*  
Tandem tripudiantes erigitur in *pedes*.

O qui curasti Medicorum vel Principem!

O qui docuisti Medicos hujus seculi

Certum ut medicaminibus suis ponant modum!

O acriores qui potus Hippocratis

Sic dulcoras placente melle post dato!

Macte age. Negent malevoli tibi suum PLACET:

Justior at acclamabit orbis, PER PLACET.

Macte, & quod fecisti hactenus perge facere,

Qui tibi malè volunt malefacta ut noscant sua.

Vale. Quin factus è *Medico Patiens* diu

Hoc *Cordiale* tuo ab Ailmero, oro, R E C I P E.

*Quid corpus sine pedibus?*

*Coë*, Tibi corpus debet *Medicina* parenti:

*Wintertone*, Tibi debet at illa *pedes*.

SAMUEL AILMER, *Cantabr. è Coll.*

*Jesu, Med. Doctor 1631.*

A Rte senex *Medica Phœbum* sic *Coïs* adæquat,  
Tantum ut sit numeris carminibusq; minor:  
Illius indignans dum volvit scripta *Radulphus*,

Cogit ad invitos verba soluta modos.

*Hippocrates* gemina par quòd sit *Apollinis* arte,

Hoc *Wintertonus* par utriusque facit.

HUNTINGDONUS PLUMPTRE, *Cant.*

*Joannensis, Med. Doctor 1631.*

Quid

*In Wintertoni Metaphrasin.* II

Quid metuis, malefane, truces mala nomina mor-  
En! Domitor mortis jura dat *Hippocrates*; (bos?  
Morborum genus omne potens lenire dolores:

Cujus ad imperium trux *Libitina* fugit.

Qui vivus potuit morbos mortemque fugare,  
(En!) Redivivus adest, & meditatur opem.

Quæris *Apollo* novus, vel quis tibi tanta *Machaon*  
Præstiterit Medicus? Quem legis, ipse erat:

*Wintertonus* erat nostris celebratus Athenis,

Qui sapit *Hippocrates* quicquid & *Hellas* habet.

Eia ô *Hippocratis* solitus jactare Aphorismos,

Nunc *Wintertoni* Musa canenda tibi.

---

SAMUEL ABBOT, *Cantabr.*  
ex *Aul. Cath. Med. Doctor.*

---

**H**ippocratis sermoni nil nisi *carmina* defunt.  
Quam bene tu *numeras* debita & *Hippocratis*!

GUILLIELMUS GODDARD,  
*Medicinae Doctor.*

---

**H**ippocrateus magni modulantem carmen Ho-  
meri  
Cernere quisquis amat, consulat istud opus.

GUILLIELMUS PRUJEAN, *Cant.*  
*Caio-Guv. Medicinae Doctor.*

---

Ad

## Ad Charissimum meum

RADULPHUM WINTERTONUM,  
Collegii Regalis Cantabrigiensiſ Soci-  
um, & juxta Statuta ibidem Profes-  
ſionis Medicinæ designatum,

Jam olim summo Academicorum cum consensu  
ad exercendam utramque Medici-  
nam licentiatum.

DE malè promeritis bene te meruisse libello,  
Veræ præclarum religionis opus.  
Qui tibi civilem conantur tollere vitam,  
His naturalem tu renovare studeſ.

Macte, \* RADULPHE, tui virtute agnominis; hoc est,  
Consilio meritos immeritòſque juva.  
Nève Theonini timeas a vulnere dentis,  
Dum tua judicium sanius acta probat.

\* Radulphus, Anglorum antiquâ Dialecto est Consilio juvans.

GUILIELMUS de INSULA, sive  
LISLE, Cantabrigiensiſ, Regal.  
Art. Magister An. Dom. 1592, Pro  
corpore Domini Regis Armiger.

## Ad eundem.

CARMINIBUS Medea potens herbisque, juventam  
Dicitur Æmonio restituisse seni:  
Túque tuo Hippocrati, meliore sed arte, juventam,  
Wintertone herbis carminibúſque potens.

Herbis

*In Wintertoni Metaphrasin.* 13

Herbis illa potens, sed & impia, carminibusque:

Aut pia si conjux, at scelerata parens.

Tūque potens herbis, sed Phœbi, carminibusque:

Ut medicas doctus, sic quoque vir bonus es.

*Ad Lectorem, de eodem.*

**O**Mne tulit punctum, sed Romæ (ut Horatius  
inquit)

Utile qui Dulci miscuit arte sua.

Utile qui Dulci, Dulci qui miscet Honestum,

NON CANTABRIGIÆ hic omnia puncta feret?

EDWARDUS BENLOWES, Cantabr.

Joannensis, Armiger.

*Ad R. W. de Metaphrasi metrica.*

**C**Arminibus edere dum doces Hippocratem

Oracula sua veriora Delphicis,

Ac digniora Tripode quem Coi sui

Cepere: Et ipse dignus es Lyra Apollinis.

RICHARDUS STERNE, Cantabr.

Coll. Corp. Christi Socius, Sacre

Theol. Baccalaureus 1625.

**Α**λγα λυγρὰ δαιμά κ' δεινὰ νοσήματ' αἰοῖδ' ἢ  
Ἐἰ γε τ' ἰητροὺν δεινότερον κρατῆει.

JO. OLIVER, Oxon. Coll. Magd. Socius,

Sacre Theol. Baccalaureus.

EIS

Ἔἰς τὴν βίβλον.

Ἀρμονικῶς τὰ πᾶσι πῆς ἰατρὸς βίβλον ἀναγνῶς  
Ἐξαρνήσοιτ' ἀν' ἑσὲν ἰατρὸς ἔπη;

Πρὸς τὴν βίβλον.

Ὅτ' ἄαιμπθ' ἔει, διαφύγεις Μῶμ' ὀδόντας,  
οὐ φθόνον ὃ φθονέει, ὅτ' ἄαιμπθ' ἔει.

Πρὸς τὸν Μῶμον.

Τέχνην τῆ ζῆν φαίνει, ἐν ἔξεν σώματα ποιεῖ.  
Ἡ βίβλος. Ἀνημάχη; Ἄξιθ' εἰ νοσέειν.

THOMAS BOSWEL Cantabr.  
Aul. Pembr. Socius, A.M. 1613.

Hippocrati meritos det Justinianus honores:  
Dignior iste liber, quam fuit ipse, premi.

JOSEPHUS THURSTON, Cantabr.  
C. D. J. Socius, S. T. B. 1627.

Hippocrates artem Medicinæ idiomate Græco  
Descripfit primus; sed sine lege metri:  
Gratum opus hoc Medicis. Tu primus carmine Græco  
Metiris: Quanto gratius istud opus!

EDVARDUS HANBURIE, Cantabr. Sidneian.  
Armiger, JOANNIS HANBURIE, Northam-  
pronienfis, Equitis Aurati filius unicus.

Ad

In Wintertoni Metaphrasin. 15

Ad R. W. de 7. libris Græco

*carmine donatis.*

**H**ic Chius ad Coium est: Aphorismos corpore iusto  
Cum cane quando Chio senio Coius habet.  
Tūque senis Coi numeris dum oracula reddis,  
Aonio Phæbo Pieriōque litas.

THOMAS FARNABIE, Oxoniensis:

---

*Ad eundem.*

**N**on hic Hippocrates (meritò mirabere) moles  
Major; nec pondus, quàm fuit antè, minus.  
Aurum erat, & nunc est. Ast auro accepta rependens  
Auro, quid præstas? Plus valet, arte tua.

GUILIELMUS MOORE, Cantabr.  
Coll. G. & C. Socius. Art. M. 1613:

---

*Ad eundem.*

**U**tile fucundo Medicis que Poëta que misces:  
Misce & Honestum ana. Quàm est hæc pretio-  
sa dosis!

ROBERTUS GELL, Cantabr.  
C. C. Socius. S. T. B. 1628:

---

Π'σιν πόινσις ιατρικῆς κρείττων νόσος  
Τῆδ' ἔμαχεθ' οἶος ἔδ' Ἴπποκράτης.

JO. EARLS, Oxon. Coll. Mert. Socius:

B

Ad

*Ad Lectorem.*

**H**ippocrates ægros, defunctos suscitât Orpheus:  
Non *Sofander* erit quisquis utrumque facit?

JOANNES JOHNSON, *Cantabr.*  
*A. P. Socius, Art. Mr. 1615.*

*Ad Medico-Poëtam.*

**Q**uam tibi non poterat *Medicinæ* reddere *laurum*  
*Antistes*, dabit hanc vel *Medicina* tibi.  
Illam tu exornas *hedera*; *Tæque* illa creare  
Si non *Doctorem* sit potis, at *Medicum*.

GUALTERUS FOSTER, *Cantabr.*  
*C. E. Socius, S. T. B. 1628.*

**A**rs longa est: At tu numeris feliciter *artas*.  
Sic (*Licet*) autorem (*Mæste*) refelle tuum.

THOMAS COOKE, *Oxon.*  
*C. Æn. Socius, Art. Mr.*

**D**um facilem Hippocratem reddis suavemque  
legenti,  
Debet quàm *Medicus* plus *Medicina* tibi.  
Gratum opus *Ægrotis*, *Medicis* *ἰατρικὸν* *Æger*.  
Vix erit; aut *Medicus* quilibet, ipse sibi.

MICHAEL HONYWOOD, *Cantabr.*  
*C. C. Socius, Art. Mr. 1618.*

Hippocra-

In Wintertoni Metaphrasin. 17

**H**ippocrates *oculum* tibi commodat arte medendi:  
Nōne *pedes æquum* mutuet ille tuos?  
Tu prudens *oculo* tibi prospicis atque saluti:  
Incedit *pedibus* gratior ille tuis.

RICHARDUS CLERK, Cantabr.  
C. E. Socius, S. T. B. 1631.

Πρὸς τὸν τυχόντα.

**Ε**σθ' ὁ βίβ' βραχύς, ἢ τέχνη μακρὴ. Ἐυ ἄρα  
ταύτῃ  
Ἔδε μακροῖς ἔπειν κ' βραχέεσι μάδοις.

Πρὸς τὸν ἰητρὸν.

**Τ**ούσδε, ἰητέ· μάθειν ἄφορισμὸς χρὴ σπό' μνήμης.  
Τέτο τάχισ' ἀνέχῃς, εἰ ἄρα μέτρον ἔχεις.

Πρὸς τὸν μεταφραστὴν.

**Ι**ητροὶ σὸν αἰεὶ πόνον αἰνέουσι, λίην τε  
μισοπλέκεις τέρψει σοὶ τὸ τωρὸν ἔπος.  
Ζῆς ἔν' εἰς αἰῶν', Οὐιντερτῶνε, μένησιν  
Ἦν τέχνη Ἰπποκράτης, Μῦσα π' εἰ δωδαία.

EDVARDUS SILVESTER, Oxon.  
è Coll. Bal. Art. Magister.

Πρὸς τὸν τυχόντα.

**Σ**τ' ἰμετρον ἰητροὶ φιλέουσι, μέτρον τε σοφίης  
Ἐυαδε μύσησιν. Ἦνίδε μέτρον ἔχεις.

GUILLIELMUS BLANKS, Cantabr.  
C. G. & C. Socius, Art. Mr. 1618.



18 EPIGRAMMATA

**F**it Medicus Vates, utriusque ad *Apollinis* artem:  
Hippocrates jam, quod dixerat antè, canit.

THOMAS ANSCCELL, *Cantabr.*  
C. Jof. Socius. S. T. B. 1631.

**Α** Δειν γέρον ὦν μανθάνεις, Ἰππύκρατες;  
Ἐυγ'. Οὐκ ὄνειδος; Τὴν ἔπαρχε Σωκράτης.

THOMAS MASTER, *Oxon. Nov.*  
Coll. Socius, Art. Magister.

**P**Harmaca qui *verbis* Medicus dabat antè *solutis*,  
Nunc eadem *stricto* dat numerata *pede*.  
Quis novus accessit *vates*? quis dexter *Apollo*  
Incubuit scriptis, *Coë* perite, tuis?  
Has *pedibus* mandas tu, *Wintertone*, medelas,  
Ut noscant alii quæ tua cura *pedum*.  
At certè autoris dum *carmine* scripta repandis,  
Qui fuit *Hippocrates*,\* Ἰπποκράτης erit.

\* Suidas commemorat quinque e' usdem nominis, artis,  
& familia.

THOMAS LOVERING, *Cantabr.*  
Pembrochianus, Art. Mr. 1619.

**Ο** γ τις ὃς Ἰπποκράτης ἰεθὲν νόον ἔμμελεα φράζει,  
Ὡς φύσεως φράζει τὸν νόον Ἰπποκράτης.

HERBERTUS THORNDICK, *Cantabr.*  
C. T. Socius, Art. Magister 1625.

Ἰατρός

In Wintertoni Metaphrasin. 19

Ἰατρομαντι φαρμάκων τ' ἐπῶν τ' ἀναξ,  
Ἰοιον τὸ δ' εἶαρ κείματος Ἰδδώνυμον.  
Πειθῶ γε λόγιον ἄφορσις εἶ γε πρὶν  
Πρόσηπεν ἔνδυσ Μῦσαι χησιμωδὸν σέβας.

HENRICUS JACOBIUS, Oxon.  
Mertonensis.

---

Noscas, Phœbe, tuum; Medicum decet esse Poëtam:  
Nam sacer hos nexus, nec violandus, habet.

LUCAS SKIPPON, Cantabr.  
D. P. Socius. Art. Mr. 1621.

---

Ἰπποκράτῳ δῆσας, κ' ἀνδρας λύσεις ὀδυνάων,  
Ἰμφοτέρε Φοίβε κλείδας ἔχειν δοκέεις.

JOANNES ALSOP, Cantabr.  
C. C. Socius, Art. Mr. 1624.

---

IN numeris vires renuit Medicina latere.  
Ut neget hoc ætas pristina, nostra probat.

GUILIELMUS BARKER, Oxon.  
Nov. Coll. Socius. Art. Mr.

**N**on opus ut tingant sua pharmaca melle, meden-  
Ipsa fit in numeris mel Medicina tuis. (tes:

FRANCISCUS GLISSON, Cantabr.  
C. G. & C. Socius, Art. Mr. 1624.  
Medicinae Licentiatus.

**Q**ui negat, insanit, data carmina posse mederi:  
Hæc legat insanus carmina, sanus erit.

BARNABAS OLEY, Cantabr.  
A. Clar. Socius, Art. Mr. 1625.

**P**incipium Hippocratis spirat tua tota Poësis:  
Ars est Hexametrum, vitæque Pentametrum.

JO. CARTER, Oxon. Art. Mr. &  
Med. Bacc. ex Aul. Magd.

**Π**ῖνετε ὦ μάνεις, νέους ἀδερίσετε λυγροῖς  
Ἴππε νῦν κρῶν ὅτι γὰρ Ἴπποκράτης.

LIONELLUS GATFORD, Cantabr.  
C. Jesh. Socius, Art. Mr. 1625.

**C**armine te magnum quis non fateatur Homerum?  
Quis non Subiecto dixerit Hippocratem?  
Te Medicum scimus: Vatem fateamur oportet,  
Qui magni Hippocratis carmine pingis opus.

AARON GUERDAIN, Cantabr.  
C. Reginal. Socius, Art. Mr. 1627.  
Medicinae Licentiatus.

*In Wintertoni Metaphrasin.* 21

**H**ippocratis liber est liber, sic vincetus: Apollo  
Séque tibi obstrictum vinculo amoris habet.

RICHARDUS POWEL, Oxon.  
Art. Mr. è. Coll. Æn.

---

**H**ippocrates facilem Medicinæ reddidit artem:  
Ipse magis facilem reddis at Hippocratem.

THOMAS LANT, Cantabr.  
C. Jesh. Socius, Art. Mr. 1627.

---

**D**At Galenus opes. Non amplius invidus addat,  
Qui vivit Medicé, vivit & ille miser.  
GRATA salus ultro veniet mortalibus: Ipsi  
Hippocrati pedibus jam licet ire tuis.

GUILLIELMUS FLATHERS, Cantabr.  
C. Sidn. Socius, Art. Mr. 1627.

---

**M**ῶν ὁ δὲ Ἱπποκράτης; Ὡς δὴ δὴ αὐτὸς τε μέγιστο.  
Nūn εκίρτῃ νέθ' ὦν, ὁ πρῶτος γὰρ γέγων.

**H**ippocrates ægris nil jam præscribit amarum:  
Melle Camænarum pharmaca cuncta natant.

JOANNES BOOTH, Cantabr.  
C. C. C. Socius, Art. Mr. 1628.

**S**Cire velis qualem *Hippocratem* tua carmina red-  
dent?

Antè *salubris* erat; nunc quoque *dulcis* erit.

STEPHANUS BRIDGES, *Oxon.*  
*Med. Studios. C. C. C. Socius, Art. Mr.*

**H**Æc *Wintertonus*: Qui nescit cætera, nescit  
Qui sit *Butlerus, Caius, & Hippocrates.*

*Μνημοσύνη* non dant *Aphorismi* pharmaca: *Versus,*  
*Wintertone, tui, pharmaca Μνημοσύνη.*

GUILLIELMUS GREEN, *Cantabr.*  
*C. M. Socius, Art. Mr. 1628.*

**I**n numeris placuit modò qui fuit: Alter ab illo  
Qui fuit, *Hippocrates* nunc placet in numeris.

GEORGIUS PEIRCE, *Cantabr. Coll.*  
*Regal. nuper Socius, Art. Mr. 1629.*

**Ι**Δμοσυή γέρονας ποτ' ἀρέρη Φοῖβος Ἀπόλλων.  
Τί ξένον; εἰ δ'νοφερὺς οἶδα κηδηλιάσαι.

Ἐσὶ κλεινὸς ἅπασι τεοῖς ἀμαρύγμασι Φοῖβος,  
Οὐ μὲν ἐν ἕρσείοις, αὐτὰρ ἐπιχθονίοις.

Οὐκ ἔν, εἰ δ'νητοῖσιν ἀνέκδορος ἄλλ' Ἔ Ἀπόλλων,  
Ἰητρῶν τελέθεισ' ἔξοχος ἐν καμάτῳ.

Ἰάκωβος ὁ Βλασός, ὁ Κρήσι τὸ γέν' ἔσται.

Ἰητρῶν

Ἰητροῶν τε πατήρ κ' αἰοιδῶν ὄσιν Ἀπόλλων  
Καλῶς πατερίζει ἀμφοτέρως μὲν ἑών.

Ἀνθρώπους ζῶν λείπει, κ' γράμματα μνήμων  
Τέχνη ἄρ' ἔν μακρῇ ὄσιν, βίβ' ἢ βραχίς.

Ἰητροὺς δ' ἀπὸ πῆμα τρέπτοσκεν, αἰοιδὸς ὁ αὐτός  
Τῷ τε βραχεῖαν ἔδνηκ' ἀμύϊ γε, πέν τε μακρόν.

SAMUEL HORNE, Cantabr.  
D. P. Socius, Art. M<sup>r</sup>. 1628.

**C**Armina constringunt artem; Medicina propagat  
Vitam: ut nec longa ars sit, neque vita brevis.

THOMAS HOLBECH, Cantabr.  
C. E. Socius, Art. M<sup>r</sup>. 1629.

Ἐμμελὸς Ἰωποκράτης; φεῦ· τίς τέκεν; ἔκ ἄρ'  
Ἀπόλλων;  
Ὁς γ' ἄμ' ἰητροῶν Πισείδων τε πατήρ.

Acceptit Medicus vitam, Sententia lucem,  
Mensuram Brevitas, & Medicina modum.

Hippocrati, Medico curante, renascitur ætas:  
Et Gnome celeri jam pede currit anūs.

Qui ligat Hippocratem, versumque extorquet Home-  
An Vatum princeps audiet, an Medicum? (10,

JACOBUS DUPORT, Cantabr.  
C. T. Socius, Art. M<sup>r</sup>. 1630.

Τῆς Μῆσαι Διὶ Μνημοσύνη ποτὲ Τέξατο Δίῳ  
Ἴπποκράτει Μῆσαι Μνημοσύνην ἕτερον.

WIMONDUS CAREW, *Coll. Regal.*  
*nuper Socius, Art. M<sup>r</sup>. 1631.*

Pharmaca das *Medicus*, nobis das carmina *Vates*:  
Ut sis *Phæbeo* dignus utrinque choro.

GUILIELMUS NORRIS, *Cantabr.*  
*Coll. Regal. nuper Socius, Art. M<sup>r</sup>.*  
*1631. Juvenutis Etonensis in Coll.*  
*Regal. Informatorum alter.*

Qui mellis cupit *Attici* medullam,  
Quâ nil dulcius est, salubriusve;  
Hunc rectâ moneo petat libellum.  
Næ hic oracula continet salutis,  
Quæ lector putet edidisse *Phæbum*  
Communem *Medici* patrem & *Poëtae*.  
Quisquis te, ô *Medice* & *Poëta*, nescit;  
Et *Phæbi* decus utriusque nescit.

SAMUEL REMINGTON, *Cantabr.*  
*Sidneianus, Art. M<sup>r</sup>. 1631.*  
*Medicinæ Studiosus.*

*Ad Podalirium suum.*

Cavit *dextra* tua ut nê *pes* mihi *claudicet* alter:  
Haud æquum est nostrum *claudicet* officium.  
Qua

*In Wintertoni Metaphrasin.* 25

Qua licet arte artem, celebrem nisi carmine carmen;  
Integer ut pes sit, dextera clauda mea est.

THOMAS FRITH, *Cantabr.*  
ex *Aul. Trin. Art. Mr.* 1631.

---

Ἄμεμπ' ἔμελαι νῦν ἔχεις Ἰππόκρατες:  
Τέχνῳ βεγχεῖαν ἄμμι κ' μακρὸν βίον,  
Πρὸς ταῦτα καλῶς ἐρρυθμισμένον μέγ' αἶμα,  
Ἐδῶ Ῥαδ' ἔσθλος, ἐμμέτρων ἰαμάτων  
Δόσιν πονήσας, κ' Ἀφορισμὸς ὁ μ' ὀρίσας  
Ἄει μ' ἀξιολημμονέντας, νυκὶ δ' ἔϋ.

RICHARDUS BULKELEY, *Cantabr.*  
*C. D. f. Socius, Art. Mr.* 1632.

---

*Ad Medico-Chirurgum suum.*

Esse decem digitos tradit Natura Magistra:  
Ars digitos tantum tradidit esse novem.  
Quem Natura dedit, digitorum haud integer esset  
Ille mihi numerus, ni foret Artis opus.  
Quem tua servavit periturum dextera solers,  
Accipe servato pro digito numeros.

JOANNES WELBY, *Cantabr.*  
è *C. C. Art. Mr.* 1632.

---

*Ad Medico-Poëtam, de libello,  
Nè Momum metuat.*

Carpsit hunc si quis, pulchrè rem crede pera-  
Non est te dignus, ni sit & invidiâ. (ctam:

ROBERTUS PORY, *Cantabr.*  
è *C. C. Art. Mr.* 1632.



A D  
 RADULPHUM WINTERTONUM,  
*Collegii Regalis Cantabrigiensis Socium  
 Medicum à suis juxta Statuta designatum,  
 & ab Academicis frequenti in  
 Senatu Licentiatum,*

*Pientissimi Regis*  
 HENRICI SEXTI  
*alumnorum*

EPIGRAMMATA  
*Suffragatoria.*

*In editionem libri primi*

Anno 1631.

**S**uffragatores poteris contemnere: Macte;  
 Vel Nemesi invita noscet Apollo suum.

*In editionem septem librorum*

Anno 1632.

**E** De tuos septem jam, Wintertone, libellos:  
 Ipse placet numerus. Quid numeri facient?  
 Hippocrati, qui serpa nequit tibi, serpa dedisti:  
 Doctorem Hippocrates non facit; at Medicum.  
 Purpura nobilior te ornat tua, Musa tuorum:  
 Nempe cathedralis plaudit uterque tibi;  
 Et civem agnoscunt omnes Pandionis arces:  
 Impar cum meritis sit domus una tuis.

THOMAS ROWE, coll. Regal. Cantabr.  
 Socius, è Senioribus, Art. Mr. 1619.

*In Wintertonii Metaphrasin. 27*

**C**ommendat gemmas non massa, sed insita virtus:  
Hic multæ in paucis inveniuntur opes.

*Pharmaca sunt Phœbo, Phœbo sunt carmina curæ:  
Hæc duo perfectum constituunt Medicum.*

*Natus erat Medicus, factus tamen arte Poëta:  
Ut sit perfectus, tu facis, Hippocrates.*

DANIEL DENT, C. R. C. Socius,  
è Senioribus, Sacræ Theologiæ  
Baccalaureus 1628.

---

*Ad Wintertonum, De sanata*

J. C. 1631.

**T**urba quod Hippocratum, quodque Ars humana  
Ferales ictus tu cerebrumque levas. (stupebat,  
Servatam ancillam tibi debeo: Sed neque miror  
*Pharmaca* posse illud, *Carmina* si fuerint.  
Unus adhuc morbus; quem nec tua *Carmina* sanent:  
Et solam REGIS Regius orat opem.

BARNABAS BARLOW, C. R. C.  
Socius, è Senioribus, S. T. B. 1629.

---

**A**νθρωπος μικρός, μεγάλη συστήματος εικών  
Ἡ δὲ βίβλος μικρή, Ἴπποκράτης μεγάλη.

*Ad Momum.*

**Q**ui Medici prodest, delectat & arte Poëta,  
Prodeat. Obgannis, Mome? Latere nequit.

ANDREAS HARWARD, C. R. C.  
Socius, è Senioribus, S. T. B. 1630.

*Ad R. W. Podalirium suum verè  
Medico-Poëtam.*

**D***Aiùsque Hippocratésque; pedes tibi debet uterque  
Integer hic numeris, moribus ille suis. (quea  
Hippocrates gestit te grata voce Poëtam;  
Et gestit Daius dicere te Medicum.*

RICHARDUS DAY, C. R. C.  
Socius, Art. Mr. 1629.

*Ad eundem.*

**H***ippocrati debet Medicorum quicquid ubique est:  
Wintertone, tibi debet at Hippocrates.*

Divinum ô Medicum! Quos visere non potes ipse,  
Ipse datis pedibus mittis ad hos Medicum.

*Ad Lectorem.*

**P***harmaca non profunt, nisi sint demissa per Alvũ:  
Faucibus & Stomacho sunt malè grata tamen.  
Carmina sed profunt Oculos per, sive per Aures:  
Auribus aut Oculis nec malè grata tamen.  
Si minùs illa placent, R E C I P E hæc. Data Carmina  
Apta tuis Oculis, Auribus apta tuis. (profunt  
Dulcia qui non vult, æquum est ut gustet amara:  
Carmina qui non vult, Pharmaca sæpe bibat.*

JOANNES SLOPER, C. R. C.  
Socius, Art. Mr. 1631.

*Ad*

In Wintertoni Metaphrasin. 29

Ad R. W. In editionem libri primi,  
Anno 1631, Protrepticon, ut reliquos sex edat.

**V**incendus numerus tibi Septenarius: Ergò  
Sex reliquos simili conditione liga.

Ad Lectorem.

**Q**uis liber? Hippocratis, Phœbea veste: Meretur  
Purpuream Medicus qui dedit illud opus.

Si liber exhibit, cur non simul exeat autor?

Quandoquidem *prælum* constat utrumque pati,

Postquam sanari se *carmine* sentiet ætas;

Spreta diu, in pretio fortè *poësis* erit.

RICHARDUS WILLIAMS, C. R. C.  
Socius, Art. M<sup>r</sup>. 1631.

In Metaphrasin Wintertonianam.

**H**Æc nē verba volent, (quando *πρεβέβη* feruntur  
Omnia) Phœbea compede *vinctā* jacent.

Ad Metaphrasten, de Apho-  
rismorum libro.

**H**ippocrates, Meus est liber hic; Meus, inquit Home-  
Quid mirum? Liber hic incipit esse tuus. (rus:

**T**ῆς ψυχῆς ὀδυνῶσι χυδαῖς φάρμακον ἔδεν,  
'Ουκέτ' ἀληθὲς ἔπος τῶντα γὰρ ὅστιν ἐπι-

COLUMBUS WILLIAMSON, C. R. C.  
Socius, Art. M<sup>r</sup>. 1632.

Πεῖς

Πρὸς τὸν μεταφραστὴν.

**Μ**νημοσύνη φίλη ὡς βραχυτίης, Μέσησιν αἰοιδαί.  
Τὶτ' ἔργον Μέσαις, Μνημοσύνη τε φίλον.

Πρὸς τὸν αὐτόν.

**Ο** γλυκὺς Ἴπποκράτης, ἀλλ' ὡς ὕμεινός· ἔδωκεν  
Σὲ δ' ὕμεινὸν ὁμῆ, καὶ γλυκὺν εἶναι ἔπι.  
Ἐκ ἧ δὸς ἔξ ἄλλας, μηδ' ἀμφισβήτεε· πρώτη  
Πάντα διερχομένη πᾶσιν ἀρεσκε βίβλῳ.

GUILIELMUS DAY, C. R. C.  
Socius, Art. M<sup>i</sup>. 1632.

*Ad eundem, In editionem libri primi,  
Anno 1631. Protrepticon.*

**E**xilit ante alios liber hic sex fratribus orbis:  
His quoque da numeros, ne gemat iste, suos.

Πρὸς τὸν τυχόντα, περὶ τῆς πῶν ἐπιὰ  
βιβλίαν ἐκδόσεως.

**Ι**πποκράτει ἱητρὸς ἀνὴρ ὡῖζε κελύθης  
Μετῶν, ἱητρῶ γηεγάλεω γε νέῳ.

*Hippocratis Metamorphosis.*

**Q**uem video? Hippocratē Coūm? Non prisca Poë-  
Vidēre Hippocratem secula; nostra vident: (tam  
Nostra vident, & nostra probant; nec nostra probabunt  
Sola: probatura & secula futura magis.

GEORGIUS HALL, C. R. C.  
Socius, Inceptor in Artibus.

Ad

Ad Lectorem.

**C**orporis affectus varios data pharmaca tollunt:  
Mentis & affectus carmina lecta levant.  
Sunt Wintertoni data carmina, pharmaca Coi.  
Dic, Lector; Quis, te iudice, major erit?

**E**rrat, quisquis ait fieri non posse Poëtam:  
Qui mihi non credit, consulat Hippocratem.

THOMAS GOUGE, C. R. C.

Socius, Incept. in Art.

---

Ad virum honestum, Medicum  
doctum, & Poëtam ingeniosum, R. W.

Tria sunt omnia.

**L**audabant olim veteres, Dulce, Utile, Honestum:  
Hæc Tria dicebant omnia. Tempus ERAT:  
Dulce canis, præscribis & Utile, vivis Honesté:  
Debentur tribus his omnia. Tempus ERIT.

Ad Lectorem, de Hippocrate

Wintertoniano.

**H**ippocratis quid sunt Aphorismi? Oracula certé:  
Nam Phæbi didicit carmina more loqui.

THOMAS CROWCH, C. R. C.

Socius, Incept. in Art.

C

Ad

Ad R. W. virum doctum & bene  
 moratum, in primis Philometrum,  
 Hippocratis Medici & Cratippi  
 Philosophi, studioque & vitæ genere,  
 æmulum.

Hippocrates morbos, & morbos artē Cratippus,  
 (Alter erat Medicus, sed Sophus alter erat)  
 Ille quidem humores, mores curavit at ille:

Pharmaca uterque ore aut aure bibenda dedit.  
 Quem dicam dubito te, Wintertone: Cratippum?  
 Hippocratem? Neutrum dico, sed Amphoterum;  
 Amphoterū, Hippocratem Medicūmq; Sophūmq; Cra-  
 Unus habes, alter quicquid & alter habet. (tippum:  
 Æmulus Hippocratis, studio es; vitæque, Cratippi:  
 Metra placent Medicis, & sua metra Sophis.  
 Seu tua metra legam scribentis, Scripta, legentis;  
 Sive bibenda mihi sint tua metra: Placent.

Ad eundem.

Quam bene de nobis, mereare, ô publica cura,  
 Quam bene de Medicis, indicat istud opus.

GUILLIELMUS SCLATER, C. R. C.  
 Socius, Inceptor in Art.

Ad R. W. multis nominibus mihi  
 longè charissimum,

Paraphrasis in Hemistich. Horatian.  
 Nunc est bibendum —

Wintertone, libet tecum potare Salutem:  
 Te Medico, Hippocratis pocula plena placent.  
 Nolo

In Wintertoni Metaphrasin. 33

Nolo meram Hippocratis ducens à nomine nomen,  
Melle sed Hippocratis pharmaca mista tuo.  
Qui potando optant, adimunt sibi sæpe Salutem:  
Metra sed observent si tua, Certa Salus:

Ad eundem, Hippocratis magni

Doctorem, in Arte Poëtica.

Ἰπποκράτῳ δ' αἰεὶ πολλὰ διδασκόμενος.

Solon.

Græca elementa senem legimus didicisse Catonē:  
Hippocrates didicit carmina Græca senex.  
Græca elementa senem credo didicisse: Poësin  
Hippocratem miror sed didicisse senem.  
Quem non speremus fieri nunc posse poetam?  
Fac me Discipulum; Tu mihi Doctōr eris.

Ad eundem.

Χεῖρ, χεῖρ, νίπλει.

TE Medicum Hippocrates; Tu, Wintertone, Poë-  
Fecisti Hippocratem. Τύγ; Τυίςq;, pares. (tanō

Ἔἰς τὴν Ἰπποκράτους μετεμψύχωσιν,

ἢ τοὶ Οὐιντερτῶνος μετὰφρασιν.

Οὐιντερτῶνιζέμεναι δοκέει μοι ὁ Κῶσ,  
Ἡ φιλό Κῶσ ἀνὴρ Ἰπποκρατίζεμεναι.

GRINDALLUS SHEAFE,

C. R. C. Socius, A. B.



*Ad R. W. Medico-Poëtam.*

**P***Harmaca* præscribis, scribis quoq; *Carmina*: utroq;  
Nomine, *Meonio* carmine digna facis.

*In Momum.*

**P***Harmaca* fastidit, fastidit *Carmina* Momus:  
Id facit ægrotus *Corpore*, & hoc *Animo*.  
Huic, credo, *Stomachus* non pura *bile* laborat:  
*Invidia* nimia est æger & huic *Animus*.

HENRICUS EDMONDES,  
C. R. C. Socius, A. B.

*In editionem priorem libri primi,*  
Anno 1631, & posteriorem hanc reliquo-  
rum accessione adauctam atq; ornatam.

**E**Xiuit primus; Bis tres latuère libelli:  
Sæxque sequuturis *Prodromus* unus erat.  
Exiuit: Placuit. Redit, & sua gaudia narrat:  
Adsciscit socios hinc sibi sex alios.

*In opusculum Medico-Poëticum.*

**A**рте sua *Hippocrates* ornabat *Apollinis* artem:  
Ornatúrque ope nunc artis, *Apollo*, tuæ.

HENRICUS KENT, C. R. C.  
Socius, A. B.

ΑΙΝΙΓΜΑ.

Ποιητῆς ποιητεῖα, Χυέτης χυετείω,  
Τσερος ὁ πρετέρι, πρεσβυτέρι ὁ νέος.

Ad

In Wintertoni Metaphrasin. 35

Ad Lectorem.

Qui utrumvis rectè nôrit, ambos noverit.

**I**N magnum Hippocrates Medicus vel versus Home-  
Vel Wintertonus versus in Hippocratem. (rum;

Εἰς Ἴπποκράτιν τὸν πᾶν, & τὸν τῷ πᾶν.

**Ο** Γράφας ὀλίγας Ἀφορισμῆς, πολλὰ διδάξει.  
Τὸς δ' ὁ μετρῶν, μέτρων πολλὰ διὰ βραχέων.

ROBERTUS NEWMAN,  
C. R. C. Socius, A. B.

---

Ad R. W. de Hippocrate suo omnibus  
numeris absoluto.

**F**acta putant numeris qui falsò corpora, verè  
Facta putent numeris corpora sana tuis.

Ad Lectorem.

**Q**ui prodest aliis, prodit bene: qui bene prodit,  
Optimè & hic vixit; Si bene, qui latuit.

Πρὸς τὸν αὐτόν.

**Ο** Τιντερτῶνον Μαῖμοι, κύνες ὡς, ὑλέεσιν.  
Ὅς δὲ, ἀνδρῶν ὡς, κέντρον αἰεῖδει ἔχων.

Ad Medico-Poëtam.

De libro primo reliquis, explorande viæ  
causâ, præmissò, Anno 1631.

**P**rimus iter voluit priùs explorare: viàmque  
Qui faceret reliquis hic tibi Lictor erat.

*De septem libris recens in  
lucem editis.*

**H**os Septem Græcos Sapientes dicere possim,  
Quis mater, cerebri diæ Minerva tui.

Τὰ βραχέα, ἐντεχνότερα τε καὶ  
χαριέστερα.

Χάεις βαλοῖσιν ὀπιθεῖ.

**Ο**στέω ἐν Καρύς κείτ' Ἰλιάς, ἔργον Ὀμήρου,  
ἔργον δ' Ἰπποκράτους, ὄστέω ἐν Κεανίε.

HENRICUS WHISTON,  
C. R. C. Socius, A. B.

*Ad R. W. Medico-Poëtam.*

Χάεις χάειν πίπτει.

**Ἰ**ητρον γέννησ' ἰητρός, αἰοῖδ' αἰοῖδον.  
Πρῶτα σὲ Ἰπποκράτης, εἶτα σὺ Ἰπποκράτην.

*Ad eundem, Dialectorum Græcarum  
callentissimum.*

**H**ippocrati Ionio notæ omnes nunc Dialecti,  
Attica, Communis, Dorica, & Æolica,  
Has tandem didicit, Te, Wintertone, Magistro.  
Discipulum ô quantum talem habuisse decus!

Οὐκ

Ὀὐκ ἐν τῷ μεγάλῳ, τὸ εὖ ἀλλ' ἐν τῷ  
εὖ, τὸ μέγα.

Παῦρα, μέτρον πολλοῖσι μέτρον, μικρόν, μεγάλοισιν  
Ἐν μικρῷ δέ, τὸ εὖ ἐν ᾧ πρὸ εὖ, τὸ μέγα.

THOMAS PAGE, C. R. C.  
Socius, A. B.




*Ad dilectissimum suum R. W.*

*---Leve fit, quod bene fertur onus.*

**D**Eerat adhuc unum: Tantorū exempla sequutus,  
Elogio ornaret Præses ut ista suo;  
Et stimulos, in Apes, ponens Stimulator, acuto  
Ignavum fucos pungeret ense pecus.  
Tu tamen interea solamen habeto laborum,  
Cui Præses Phœbus, Pieridésque novem.

JOANNES SCLATER, C. R. C.  
quondam Socius, S. T. B. 1613.



*Carmen Amœbæum*  
 INTER CANDIDUM  
 LECTOREM  
 ET  
 CARMINUM GRÆCORUM  
 AUTOREM,

*Apologeticum:*

*Quo ostenditur, Non inanis gloria sed justæ  
 defensionis causâ ad Doctores & Ma-  
 gistros utriusque Academiæ  
 appellatum.*

L. Quid sibi tanta velint de te præconia, miror:  
 An tibi quærendi nominis ardor erat?

A. Candide, nullus erat quærendi nominis ardor:  
 Qua tamen arte licet, fama tuenda mihi.

L. Fama tuenda quidem. A. Vita mihi charior ipsa.

L. Quid te, quis stimulat? A. Nescio quis, scio quid.

L. Quid? A. Quære ex aliis: Æquum me dicere non  
 (est.

*Imploro justî judicis officium.*

Si bene quid merui, Miserere indigna ferentis:


Si malé, Cur lucem carmina nostra vident?

Utiliùs cæcis latuissent illa tenebris,

Si morum vitiis vita notata foret.

Lector amice, mihi de me nil crede loquenti:

Crede fides quibus est semper habenda. Sat est.



EPIGRAMMATA  
THERAPEUTICA,  
Ad malevolorum lecto-  
rum ægritudines.

ARGUMENTUM  
*Epigrammatum dictorum,  
Ad Lectorem benevolum.*

**C**urati septem, curandi sunt mihi septem:  
Illi carminibus \* hi medicaminibus.  
Bis duo tresque etiam curati sunt mihi libri:  
Sunt mihi curandi bis duo tresque viri.  
Zoilus & Momus, Servilius & Basiliscus,  
Porcius & Bibulus, Septimiusque Macer.  
\* Penthemimeris.

*Ad Lectores malevolos,  
Epigramma Therapeuticum  
Propotismaticum.*

**N**on lædent Stomachum Therapeutica nostra  
bibentis:  
Auribus atque oculis sunt magis apta bibi.

*Ad*

## Ad Zoilum Odontalgicum.

Zoile, cur quereris *dentes* tibi sæpe *dolere*?  
 Non nisi culpa tua est. Zoile, mitte queri,  
 Corruunt *dentes* quæ rodis *carmina*. Parce  
*Dentibus* ergò tuis *carminibus*que meis.

## Ad Zoilum Hypermetrum.

Nulla placere tibi clamas mea, Zoile, *metra*:  
 Nulla placent? Certè, Zoile, *Hypermeter* es.

## Ad Zoilum Misarithmum.

Cur nullo in *numero* *numeri* sunt, Zoile, nostri?  
 In nullo tecum, Zoile, sum *numero*.  
 Nec sum, nec cupio. Nihil est mihi, Zoile, tecum  
 Commune. Est vetus hoc, Πάντα τὰ κοινά, φίλων.

## Ad Zoilum

Τὸν φιλόδικον μάλλον ἢ φιλοδίχμον, ἔ  
 φιλάργυρον μάλλον ἢ φιλάρετον.

SI tibi nec *numeri* possint nec *metra* placere,  
 Es certè *injustus*: *Justitiæ* hi *Canones*.  
 Neglectis *numeris*, neglectis, Zoile, *metris*  
*Vi* facis id quod vis; Zoile, *jure* nihil.  
 Sed nec *libra* placet, quamvis *cœlestis* imago;  
 Nec quæ dat certo *pondere* *cuique* *suum*:  
 Una tamen tibi *libra* placet; nam vera fatebor:  
 Non in *ponderibus* *libra*, sed in *numeris*.  
 Ergò placent *numeri*. Sed sunt *numeri* *numerati*:  
 Hi *numeri* tecum, Zoile, *proadus* habent.

Ad

*Ad Zoilum Cacoſtomachum.*

**S**emper edis; tibi ſemper adefſt nova *Orexis* edenti:  
Aut certè \* *canis* eſt illa, vel illa \* *bovis*.

\* κυνορεξία.

\* βελιμία.

*Ad Zoilum Ignavium,*

Τὸν φίλαργον μάλλον ἢ φιλέλληνα.

**C**Arminibus quid opus *Græcis*? Cur, quaſo, *Phi-*  
Sive *Philargus* amas dicier, iſta rogas? (*lellen*,  
Otia ſola placent? Intelligo. Jure *Philargus*  
Diceris. Agnoſco crimen *Homonymiæ*.

*Ad Zoilum Philautum,*

Τὸν ιδιώτιω μάλλον ἢ πολιτικόν.

**N**Egligis & clamas, *Opus hoc commune*. *Philaute*:  
Credo, *Philaute*. Tibi *propria* ſola placent.  
*Improprie* à multis, *proprie* tu nomen ab uno  
Ducis: namque *tibi* conſulis, haud *aliis*.

*Ad Momum Heautontimorumenon.*

**M**OME *modos*, dic, quaſo, *meos* cur carpis iniquus?  
Vis me, credo, *tuo* vivere, *Mome*, *modo*.  
Hoc me poſſe nego. Dum *carpis*, *carperis* ipſe.  
*Mome*, licet facias quod facis abſque *modo*.

*Ad Momum Deſpoticum.*

**C**UR me *immorigerum* clamas *Rurique* & in *Aula*?  
Non vivo, pudet (ah!) vivere, *more* tuo.

*Ad Momum Dacnometrum.*

**C**ARMINA noſtra odiſti, & amas tua *Crimina*, *Mome*:  
*Crimina* deleto, *Carmina* ſcribe tua.

Sic



Sic tu dedisces forsan *malè dicere*, Mome;  
 Dedisces primùm tu *malè si facere*:  
 Carminaque incipies aliquando aliena *probare*;  
 Carmina docta aliis quando *probanda* facis.  
*Carpere*, crede mihi, facile est tibi, carmina scripta;  
 Non carpenda, mihi *scribere* difficile est.

*Ad Servilium Andrapodum.*

**A** *Speritate* tuas clamas offendier aures,  
 Carmina scripta legens *liberiore* modo.  
 Qualia, *Servili*, vis carmina? Plena *Gnathone*?  
 Qualia tute soles edere, siqua facis?  
 Auribus *ipse* licet pergas servire tuorum:  
 Haud *mibi*, *Servili*, tam licet esse pio.  
 Unius Hippocratis *juravi in verba Magistri*:  
 Juravi nunquam velle placere tibi.

*Ad Basiliscum Cacophthalmum.*

**C** *Armina* serpentes pessunt sopire malignos:  
 Nullo sopitum *carmine* lumen habes.  
 Aspicias; *Aspectu* vitiantur carmina primo:  
 Aut nullus certè, aut tu *Basiliscus* eris.

*Ad Porcium Epicureum.*

**A** *Rida* nulla tuo non sunt *ingrata* palato:  
 Arida *metra* vocas; *Humida* sola placent.  
 Humida sola placent, Epicuri de grege *Porci*?  
 Quam verè à porci nomine nomen habes!

*Ad Bibulum Oenophilum.*

**N** On miror tibi nec *numeros* nec *metra* placere:  
 Immemor es *numeri*, dum bibis, atque *metri*.

*Ad Macrum Septimium.*

**E** *S* *Macer* & semper *macer* es, mihi crede, futurus:  
 Nam *malè* quod rodis *non bene* digeritur.

Zoilo, Momo, Servilio, Basilisco,  
Porcio, Bibulo, Macro,

Τὸ ὑγιαίνον.

**Z**oïlus & <sup>2</sup>Momus, <sup>3</sup>Servilius & <sup>4</sup>Basiliscus,  
<sup>5</sup>Porcius & <sup>6</sup>Bibulus, Septimiusque <sup>7</sup>Macer,  
<sup>1</sup>Dentibus hic, <sup>2</sup>lingua hic, hic <sup>3</sup>auribus, hic & <sup>4</sup>ocellis,  
<sup>5</sup>Gutturē hic, hic <sup>6</sup>stomacho, <sup>7</sup>splene laborat & hic  
<sup>7</sup>Hic macer invidia est; vomit <sup>6</sup>hic conviria; bile  
<sup>5</sup>Hic habet impurum guttur, & <sup>4</sup>hic oculos.  
<sup>3</sup>Hic habet offensas non unctis versibus aures;  
<sup>2</sup>Hic lingua, semper dentibus <sup>1</sup>ille minax.

Phæbe pater, fer opem; si qua est medicabilis arte  
Hebdomas hæc: oro, Phæbe pater, fer opem.


Extrahat <sup>1</sup>hic dentes; linguam præmordeat <sup>2</sup>ille;  
Obstruat <sup>3</sup>ille aures; eruat <sup>4</sup>ille oculos;  
Expuat <sup>5</sup>ille suam bis tinctam ærugine bilem;  
Evomat <sup>6</sup>ille suam; purget at <sup>7</sup>ille nigram.

Aut hac aut nulla est medicabilis hebdomas arte:  
Si nullâ; Hoc reliquum est, Naviget Anticyras:

~~Non licet Prætor (ahi) pro prætor occidit~~  
~~Me meo tempore regis inquit hanc dicitur~~  
invid; non unquam terra videnda mihi  
Me mare, me collis; & me lupi curia castrum  
A fratre: hæc corpus, dividit hoc summa

Ad

Pars



AD

LECTOREM BENEVOLUM,  
Excusatio Metaphraseos Poëtica,  
A Tempore:

Post acceptum nuntium luctuosissimum Anno 1631,  
De morte charissimi fratris mei FRANCISCI  
WINTERTONI; qui cum Serenissimæ Reginæ  
Camerae privatæ Generosorum etiam tum unus  
esset, impetratâ à Regia majestate veniâ, obli-  
tus splendoris Aulici, in Castra transiit. Is  
pro patria mortuus, Custrinæ, in finibus Silesiæ,  
honorificè, & sicut militem decuit, sepultus est.  
Ego frater afflictissimus, desideratissimo fratri,  
cum meis Musis domi mærens, hæc justa solvo.

Qui meâ cunque legis, Quo sint eâ tempore quære  
Condita: Quæsito tempore, tutus ero.

Cur mea sint alterna rogas si carmina, Lector:  
Hæc cum scribebam, flebile tempus erat.  
Dum fortuna fuit, FUIT (ô utinam foret!) Eheu!  
Non est (Me miserum!) frater & alter ego.  
Hei mihi! Cur fratrem moribundum visere fratri  
Non licuit? Procul (ah!) pro patria occubuit.  
Me mea terra tenet: tegit hunc Silesia, terra  
Invida, non unquam terra videnda mihi.  
Me mare, me tellus; & me super omnia cœlum  
A fratre; hæc corpus, dividit hoc animam.

Pars

ΑΠΟΛΟΓΗΤΙΚΟΝ. 45

Pars animæ melior charo cum fratre recessit:  
Parsque meo abrumpi corpore visa mihi.  
Vivere vita fuit, fratres dum viximus unâ:  
Hoc sine, non vita est vivere; vita, mori.  
Quid facerem? Inklusus magis & magis æstuat intus,  
Egeritur lacrymis carminibusque dolor.  
Sunt Elegi quæcunque legis mea carmina; verba  
Singula sunt lacrymæ; commata, tot gemitus.  
His ego sæpe meos soleo lenire dolores,  
Dum Musa ad numeros officiosa venit.

Quo magis excuses mea carmina; tristia, flentis:  
Condita quo fuerint tempore, Lector, habes.

---

Δίσιχον εὐκτικόν, ἀποτακτικόν.

Quod reliquū est: Opto profit tibi, Lector, utrumq; ;  
*Pharmaca* sive bibas, *Carmina* sive legas.

RADULPHUS WINTERTON.

---

FINIS.

---

---

LIBRARY OF THE UNIVERSITY OF CHICAGO

THE UNIVERSITY OF CHICAGO  
CHICAGO, ILLINOIS  
1891  
THE UNIVERSITY OF CHICAGO  
CHICAGO, ILLINOIS  
1891  
THE UNIVERSITY OF CHICAGO  
CHICAGO, ILLINOIS  
1891

LIBRARY OF THE UNIVERSITY OF CHICAGO  
CHICAGO, ILLINOIS  
1891

LIBRARY OF THE UNIVERSITY OF CHICAGO

LIBRARY OF THE UNIVERSITY OF CHICAGO  
CHICAGO, ILLINOIS  
1891

